

解

圍

元

藪

風即癩風俗又名大麻風

天地間陰邪惡濁之氣

於骨髓而入於肢體面貌

浸淫以及五臟愈久愈深遂

致不可療予嘗攷之唐孫真

人常治此症閱數百人得免

於死者二後朱丹溪治五人  
得免者僅一婦人其治之難  
如此然則癘遂不可治乎曰  
是特未得其法耳世之治此  
症者於病之源流深淺及  
製方用藥未嘗確有所見

而溫涼雜投鍼石互用以冀  
俾其有功是於病未有怨蒙  
之益而於人之正氣已有邱  
山之損矣因念古來張劉朱  
李諸家以及時賢著述咸  
於內症闡發無遺獨風科

一門雖間有立論然未有  
專門名家殫精竭慮勒成  
一書如仲景之論傷寒者三  
十年來每遇此症不敢強不  
知以為知博考諸書其有所  
得而奇方祕製驗者絕少未

嘗不以是為歎也客秋偶過  
孫君敦伯齋中見藏書甚  
富因出示解園元藪一書皆  
治風要訣縷析條分搜剔疑  
以爲古人之所未有孫君因  
爲予言此書作於前明沈氏

舉世莫傳先妣祖位兩公獨  
購得之寶惜甚至欲梓之  
而力有未逮爰糾同志集資  
以付剞劂非特良工苦心不至  
湮沒而濟世壽物以廣厥傳  
忘仁者之事也予三十年来所

想望而不可得者至是而大  
慰又奚翅衣珠之獲耶刻成  
因識其緣起如此時丙子秋九  
月樂亭黃鍾序



原序

風廼大病之元患者爲害彌劇余祖氏怡梅公素好  
醫宦游閩洛燕冀得山林逸士海內高人之秘典施  
治獲愈甚多次傳於先君艾軒公又博而備之活人  
益衆三傳至於余廣求寰宇仙流江湖奇士沉潛究  
論每遇知風者卽禮幣款迎研蒐討論韓子云先生  
於我者知而必師之後生於我者知而亦師之苟得  
一言善法卽珍而筆之隨集隨証若干方旁搜考試  
驗而奇異者始錄焉皆奪天工神妙不亞還丹舒若

雲錦發無不中余得之甚艱恐久湮沒編爲章秩名  
曰解圍元藪以風癘正論著於首諸風癘論痿痺論  
贅其次藥品方法條貫而列之後凡學風癘者得是  
書可瞭然矣如遇同志之士授以濟人廣其積德之  
功若浪示非人則上拂天心下負三世之勤苦矣嗚  
呼昔嵇叔夜不遇至人則廣陵散無傳於世道相授  
受豈輕易哉彼廣陵散不過琴曲之調擇無良士尙  
不傳而絕音何況醫術關乎性命比之有霄壤之別  
焉得不謹而秘之余放浪江湖三十餘年未見仁人

故難以罔洩非敢故匿而私擅也思得中行之士傾  
倒以盡余存誠惜命之意惜乎不遇爲憾因秘而藏  
之以俟擇知已云

嘉靖歲次庚戌春三月花月無爲道人沈之問自題

解圍元藪目錄

卷一

風癩論

受病所在經絡

三十六風六經分屬

大麻風

蛇皮風

脫跟風

魚鱗風

邪魅風

血風 以上屬心經

鷺掌風

鼓槌風

血痺風

餛飩風

痛風

癩風 以上屬肝經

半肢風

軟癱風

紫雲風

乾風

刺風

痒風 以上屬脾經

白癩風

戴蚝風

厯節風

壁泥風

瘳風

啞風 以上屬肺經

冷風

漏蹄風

蝦蟆風

核桃風

熱風

水風 以上屬腎經

雁來風

疔瘡風

雞爪風

蝮蠅風

鞭皮風

蠱風 以上屬胃經

卷二

六經三十六風總論

藥病總說

癩症一十四種六府所屬



火癩

蟋蟀癩 二症屬心

木癩

風癩 二症屬肝

土癩

狗癩 二症屬脾

金癩

麵癩

白癩 三症屬肺

水癩

雨癩

烏癩 三症屬腎

酒癩

麻癩 二症屬胃

癩症總論

卷三

藥方 計

卷四

藥方計

解圖元藪卷一

明沈之問先生輯 錫山黃 鐘樂亭甫叅訂

風癩論

四時酷烈暴悍。賊邪風也。爲病最甚。殘害最劇。古人稱癩爲惡疾之首。患之變敗形質。頑困不知所之。酷惡毒也。烈凶猛也。暴速也。悍罔也。皆風之質也。春夏多有旋風。秋冬多有颳風。各有嚴風。皆煞癩之邪氣也。經云。冬至之日。有疾風從東南來者。名曰賊風。最能傷人。犯之不可解。俛仰動作。不可得。

矣按之應手而痛烙熨則爽時刻抽掣擊剝痰火  
衝蕩氣血輕者結爲癰癤重者聚爲偏枯若遇熱  
鬱搏凝則變爲附骨癰疽如寒濕凝滯深入臟腑  
久則積成風癘人皆不知陰陽和平寒暑適時則  
疾病不作若天地變駁風濕舛逆是爲不正之氣  
則人感而病焉說文云蟲入肌中曰風故風動而  
蟲生蟲無風而不育諸蟲皆八九日而化感八風  
之邪氣而成形也靈樞云從東南來者曰弱風其  
傷人也內舍於胃外在肌肉其氣主體重從正南

來者曰大弱風其傷人也內舍於心外在於脉其氣主熱從正西來者曰剛風其傷人也內舍於肺外在皮毛其氣主燥從正北來者曰大剛風其傷人也內舍於腎外在骨與肩背之膂筋其氣主寒從西南來者曰謀風其傷人也內舍於脾外在肌腋其氣主弱從西北來者曰折風其傷人也內舍於小腸外在手太陽之脉脉絕則溢脉閉則結而不通若死其氣主關格痿憊從東北來者曰凶風其傷人也內舍於大腸外在兩脇腋骨下及肢節

其氣主強勁、洞泄從正東來者曰嬰兒風、其傷人也、內舍於肝、外在筋紐、其氣主濕、乃煞癘之邪氣、非時暴悍酷烈之毒、中於人身、卽生諸蟲、滋蔓爲害、自古聖賢避色如避寇仇、避風如避矢石、鮮有大病而人不畏避、妄肆縱慾、荒色內虛、惡風乘侮而入、故多疾病、黃帝云、八風之毒、百花犯之無色、百穀傷之不實、草木觸之枯瘁、禽獸中之顛獠、水禦之狂越、土蓄之崩裂、人中其邪、則成麻癘、蟲生臟腑、啖肌髓、食血液、形貌醜惡、神思昏迷、遍身瘡

歪斜、半身不遂、軟弱痿困、白虎爲害、渾身塊癩、腫痛、臭惡、膿血淋漓、天罡大煞爲害、蠱脹滿塞、迷悶癱瘓、八煞將星爲害、奔走狂越、踰垣土屋、嗷號悲笑、無倫暴惡、持刀鬪勇、五土猖鬼爲害、噤暈昏迷、腹大肢軟、癰疽疫癘、太歲月將、時日星辰爲害、變異不測、無所防禁、俗云風水陰陽所損、不可醫治、其謬之甚、夫陰陽神煞、不可竇其無而辟慢之、亦不可信其有而諂媚之、皆惑於偏也、且妖邪之崇、若觸犯於人、不過一時之間、豈有終身隨而爲禍



之理亦因人氣血不正受其邪氣而病生焉若調其氣血清其思慮則神正而復元使邪氣漸消而安矣故云燮理陰陽以和元氣大道君子也醫家十三科之內亦有祝由一科以符水咒訣禳辟邪魅妖氛而歸揖正氣巢元方云脉速遲伏或如雞啄或去或來此邪物也若脉來微弱縣縣遲伏不知度數而顏色不變此邪病也若脉來乍大乍小乍短乍長爲禍脉也若脉兩手浮泛細微縣縣不可知者但陰脉亦細此爲陰踦陽踦之脉也其家

曾有患風病死者、乃若恍忽亡人爲禍也、若脉洪大弱者、社崇也、若脉來沉沉而濇、或四肢重、土崇也、若脉來如飄風、從陰趨陽、風邪也、若脉一來調、一來速、鬼邪也、若脉有表無裏、邪崇爲害也、以寸爲表脉、以關爲裏脉、有表無裏者、乃兩頭有而關中無也、曰隔絕不至之脉也、若尺脉上半不至、關爲陰絕、寸脉下半不至、關爲陽絕、故云陰絕而陽微死而不治、此名妖怪之脉、乃氣血神思受邪而見於脉也、然皆虛妄之談、亦巢氏病源并諸典籍

考究者姑書之以補不足之論

二曰源流傳染所襲

人稟父母精血而成形受天地造化而爲用故觸  
天地不和之氣則病焉若父母素患惡疾必精血  
有毒交感于胚胎傳至於兒女凡風勞病人皆有  
惡蟲於臟腑代相稟受傳染源流故曰傳屍須於  
幼年未曾發病之先預常服藥使蟻蟲內死不得  
長養滋蔓延育爲害若至長大婚配耗散精神虧  
損氣血病作而難治矣今人焉肯於未病之先延

醫調治哉、故使病劇無療、臨危措手、咎在微時、不治之故、若其人未染惡疾之時、所生兒女、必無傳症、若既生惡疾之後、所生兒女、定難免之、先君論之曰、吳中有一富翁、患癘病、吾治愈、久生一女、適人、不久其夫染大風、其妻終身無恙、而毒氣遺症於夫、實大異也、又有一人風病而死、其妻無病、再適於人、其後夫即患前夫之疾、無異、數年而死、其毒不遺於妻、而婦人受毒在臟腑、於交感之中、移症男子、以受害、想其毒初在交感淫慾中來、原在

交感淫慾中去可不畏哉。又有一人風癘而死，生三子一女，皆患風而死。又有一風病人之女無恙，適於人生一子，幼卽患風，此不傳於女而傳於甥也。古云：世有惡疾不娶，信可警哉。又有一徽商三代癘病而死，第四代之子於髫髻時卽隨母舅往兩廣爲商，並不回家。其父在家勞瘵，旣死之後半月，其勞蟲飛至廣內，到其子店中。其子偶出赴席，其蟲徑入房門上鎖內，有一老僕竊見此蟲，卽以物塞其鎖門，急報主人，忙將濕泥厚固鎖上，連門

杵攪下烈火焚之木皆成灰鎖已迸開其蟲猶活取出搗爛煨之後方免禍其傳屍之惡如此宜預防之姑錄以告將來君子

三曰氣穢蠱疰所犯

他人之毒傳之間人曰疰因其穢惡之氣觸感而成也若人血氣虛脾胃弱偶遇惡疾之人聞其污氣或對語言而病人口內之毒氣衝於無病人之口鼻直入五內則發爲病又如惡疾人登廁之後而虛弱人或空腹人隨相繼而圍則病人泄下穢

毒之氣未散衝上、從無病人口鼻直入於臟腑、其  
如清晨未飲食之時犯之、禍不旋踵、百難逃、一如  
汗氣相傳、痢疫相染者亦一類也、閩廣之間、造成  
蛇蠱、符水、魘疔之毒、最能害人、有患惡疾之人、乍  
死、毒蠱皆從七孔中出、一遇生人、則飛蠱潛伏、爲  
害、昔人從古墓經行、內葬惡疾之人已久、屍骸腐  
化、其蠱疰人、發爲大癘而死、故有九疰之說、皆由  
體虛而受飛蠱、傳屍之毒、或風寒暑濕之邪、客於  
榮衛、注於經絡、陰陽失守、隨氣游行而成大害、一

曰風疰乃人死三年之外神魂化作飛塵著人成病皮肉掣振游奕不定一年之後毛髮落頸項痛骨立鳴解目痛鼻酸齒蝕發爲蚝風則頑痺或如蚝螫或癢或痛二曰寒疰心腹滿悶懊痛嘔沫三年之後大便出血青白色腰脊強發爲絕風則不覺絕倒三曰氣疰如失神機妄言譫語百日之後體重乍來乍去一年之後體滿失顏色二年之後變吐作蟲難治發爲顛風則披髮狂走打破器物或發狂風則嗷號語笑四曰生疰心脇轉痛無常



三日後體痛移易牽掣衝絞心脇一年顏赤目紅  
二年吐逆不利變蟲難治發爲糾風則身生瘡眉  
毛毳落若發罩風則舉身戰動或口鼻喎邪五日  
涼疰心下乍熱乍寒一年四肢重喜臥噫酸體浮  
腫皮肉黑瘦生澁目黃爪甲唇青發爲寄風則口  
噤面喎肢軟六日酒疰體氣重熱氣從胃脇上下  
無處不痛一年四肢重喜臥善噦噫體酸面浮腫  
往來不時發變大風則腦肉裂目系痛惡聞人聲  
七日食疰心下鞞音報痛懊懣徹背一年羸瘦皮腫體

黑從脚而起、臍內時常絞痛、發爲水風、噉食眠臥、  
汗出八日、水疰手足腫百日、體黃髮落、兩目失明、  
一年難治、三年身大水盛、生蟲不治、發爲濕風、則  
頭痛欲却、中發爲柔風、則手足眼鼻游腫、九日屍  
疰、體痛牽掣、非常肉白血<sup>音勸</sup>勒、啞如吞物、發爲汗風、  
則骨節痛強、此九疰之病、乃癩風毒之根、華陀東  
垣諸先聖皆論之、惟巢元方最微詳、徹姑纂著於  
卷秩、

四曰保養失度所發。

忍饑勞役、醉飽入房、縱慾毒怒、憂愁思慮、妄想貪嗜、邪毒蘊積、穢濁外蕩、樂佚內耗、真元以致火熱之邪、衝激臟腑、凡烙肉生菜、怪味之物、入腹皆變爲蟲、水土不服、沙冰嵐瘴、皆爲留毒、久而不散、積成麻癘、發則變形、養生禁忌云、醉臥露濕、必生癩疾、又云、魚無腮者食之、五月生癩、夫人爲萬物之靈、生於天地之間、宜惜身命、保養元神、永延長命、古之聖賢、以道德奉天、壽至百歲、爲常、後世之人、以六慾七情爲事、故多夭折、殤殂、忤違天地賦生

大恩矣、巢氏云、凡病四百四種、總而言之、不出五種、風毒所抃、一曰黃風、二曰青風、三曰赤風、四曰白風、五曰黑風、人身中有八萬屍蟲、共成人身、若無八萬屍蟲、人身不成、不立、復有諸惡病、橫諸風生、害人身、所謂有五種風、生五種蟲、皆能害人、黑風生黑蟲、黃風生黃蟲、餘皆倣此、此五種惡風、生五種惡蟲、害於人身、名曰疾風、入於五臟、蝕人臟氣、其蟲無數、在人身中、食骨髓、來去無碍、若食人肝、眉、睫、墮、落、食人肺、鼻、梁、崩、倒、食人脾、語、聲、變、散、

或啞食人腎耳鳴啾啾沿腦生瘡或如雷聲食人心膝虛腫足底穿爛難治夫心乃君主之位不受邪觸故應死其脉來徐去疾上虛下實是其候也  
五曰感冒積鬱所生。

風寒暑濕燥火之氣爲天地之六欲若不避忌感其鬱蒸或逞勇悍乘汗渡河踏冰履霜醉飽當風房勞入水露臥濕蓆或時暑炎喜臥簾竹漆牀涼簟柏木臺几濕冷之氣逢迎汗液入於肌膚邪毒漸深剝剝榮衛初起麻木久變屍蟲蠹嚙肌體則

風癩生焉，皆人自輕身命，縱性妄爲，而犯天地陰陽五運六氣，積成大病，不惟繁癘之氣宜避，卽四時敷和之氣亦宜謹守。若縱房勞，氣血弱而復犯之，卽發爲害。巢氏云：汗出入水，冷透肌體，或飲酒而臥濕地，或當風坐眠樹下，及濕草上，或身癢搔之以乘疾風，迅濕漸生瘡痞，經年不瘥，卽變風癩。病機云：八方氤氲鼓邪害人，若客經絡久而不去，與血氣相擊，則榮衛不和，淫邪散溢，面色敗，皮膚傷，鼻柱壞，鬚眉落，八風者，西北乾方，尊之曰老公。

乃乾稱父之意也。名曰金風、一曰黑風、二曰旋風、  
三曰惕風。其發病之由奄奄忽忽不覺得之。七年  
後眉毛墮落。東北長爲少男。名曰石風。一曰春風、  
二曰游風、三曰亂風。遇中此風體頑肉堅斑白如  
癩。十年後眉目墮落。正東震爲長男。名曰青風。一  
曰終風。二曰衝風。三曰行龍風。若中此風手足生  
瘡來去有時。朝發夕發。五年後眉毛墮落。正北坎  
爲中男。名曰水風。一曰麩風。二曰瓦風。三曰熬風。  
偶着肌體。春秋生瘡。淫淫習習。類如蟲行。游走無

定十年後眉毛墮落西南坤爲老母名曰穴風一  
曰吟風二曰臚風三曰腦風初受此風不知痛癢  
亦不生瘡漸成白癩十年後眉毛墮落東南巽爲  
長女名曰角風一曰因風二曰歷節風三曰膀胱  
風此風有蟲三色頭赤腹曰尾黑三年後眉睫墮  
落蟲出可治南方離爲中女名曰赤風一曰火風  
二曰搖風三曰奸風若中此風身體游游奕奕心  
不安寧肉色變異十年後眉睫墮落西方兌爲少  
女名曰媼風一曰缺風二曰明風三曰清風此風



發時百日後。體肉蒸熱。眉髮禿落。皆由內傷七情。眞元失耗。氣血衰弱者感之。如調養固密。何由致此哉。

受病所在經絡

先中於手大腸足陽明胃經。其次延及手足太陰。不發病者何也。蓋肺主皮毛。而遇風寒。足太陰脾主肌肉。而逢濕熱。百骸流注。六經傳遍。皆因三焦相火熱。甚制金。不能平肝木。肝獨勝而生風。故相剋侮。以致肺金脾土皆虧。風熱寒濕諸毒。化生九蟲。鑽嚙臟腑。

手陽明大腸之絡環交口挾鼻孔出於迎香貫於齒縫而下肺膈足陽明胃之絡亦在鼻額齒中而行挾臍氣衝風氣皆由出入故先中焉手太陰肺其竅在鼻主一身之皮毛足太陰脾其竅在唇主一身之肌肉亦風氣之門戶故風病多見唇鼻爛壞也是以金燥而惡寒土卑而忌濕故寒熱作也風濕內扇諸火皆動金氣有虧木無所制木旺而侮土脾乃受傷而肺無滋養子母俱弱則風木獨旺心火炎炎血熱妄行其所積穢惡邪毒風濕火

相扇化生九蟲、啞蝕臟腑、則爲癩風、食肝毛毳、食肺鼻崩、食脾聲變、食腎耳鳴、食筋節解、食肉痛癢、食皮頑裂、食脂起皰、食心卽死、內經脩言、腸胃爲市、無物不受、無物不包、飲食不謹、朝傷暮損、積久成熱、濕熱相漬、諸般奇蟲、各從五行之氣而化生、亦如腐肉生蛆、腐草化螢之理、外臺秘要載有九蟲食人臟腑、一曰伏蟲、長四寸許、爲諸蟲之首、二曰虬蟲、長尺許、人常生之、多則貫心殺人、三曰白蟲、長四五尺、子母相生、形勢轉大、亦能殺人、四曰

肉蟲食人之肉令人煩悶五日肺蟲其狀如蚕令人咳嗽六日蝟蟲狀如蝦蟇令人嘔吐欬逆善噦七日弱蟲又名腸蟲狀如瓜瓣令人多吐八日赤蟲狀如生肉令人腸鳴九日蟻蟲狀如茱蟲形至微細居廣腸內卽胴腸也多卽爲痔瘻甚則爲漏澼劇則爲風癘因人瘡處已發癰疽癰痿痲疥齧蝕若元氣壯實未爲大害稍有虛損遂侵蝕之隨其蟲動而變生多病如隔噎癆瘵癩風蠱脹之類又有蜈鼠應聲蟲奇怪之類未易悉舉蟲之爲害

大矣哉

中於手少陰。面目舌赤。翕翕然發熱。瘖不能言。久乃生蟲蝕心。則足底穿。膝虛腫。渾身潰爛。涎膿腥穢者。榮血先死矣。

舌乃心之苗。君火妄動。必舌枯無津液也。火氣爍金。故音啞而發熱。虛火下流。熱毒注腎。直出湧泉。故腫痛循膝節而至足底穿爛。無可救療。心主血。火炎內泛。則渾身腥腐。皮肉傷殘。不能聚斂。毒入於心。血泛無制。七年不治。

中於足厥陰。面目多青。惡風自汗。左脇偏痛。久乃生  
蟲蝕肝。則眉髮焦毳。滿身生黑班。若指脛攣癢墮折  
者。筋死矣。

木泛形色於外。肝氣已敗。濕土無制。故惡寒自汗。  
其絡循陰器布脇肋。上入顙額。肝脈見左關。故左  
脇偏疼。眉髮焦毳者。血不滋養。氣不充潤。如木無  
水灌而枝萎葉落也。生黑斑者。乃腎水泛上也。指  
屈趾爛者。如木朽根枝死也。癘攣者。正謂肝木乾  
枯也。肝病多癢痛。風木動搖故也。三年成大患。筋

死不榮爲病已劇。

中於足太陰。四肢怠惰。皮肉暱動。身體虛黃。久乃生蟲蝕脾。則音啞。膚癢若麻木不仁者。皮死矣。

脾絡注心循臂。故四肢倦。土敗不能安堵。故肉暱動振跳也。氣弱不磨穀食。故怠惰不思食味。或食息則四肢不收。血液阻澗。不能周濟。故啞而癢。脾屬土。惡濕。其氣旣敗。不能運動矣。故發麻木。然麻乃不仁。與常皮肉不同。按之如隔一紙。木乃肉內唧唧然。不知痛癢。而瘦漸之至也。蓋麻是氣虛。木

是濕痰死血爲病。旣麻又木，乃氣虛濕聚，血絡結  
滯，晝夜不行，絕不充潤於皮膚也。經言濕生痰，痰  
生熱，熱生風。丹溪云：濕熱必生風，風甚則生蟲。正  
如腐草化螢，濕熱之氣乘風也。病入於脾，則腫脹  
多水，非是濕熱生風。因有濕熱在內，則風乘隙而  
入也。六載病成，十五年不治。

中於手太陰，而頰浮白，口燥喘急。久則生蟲蝕肺，則  
鼻梁崩塌。若眼斲唇翻失音者，不治，乃骨死矣。

金性燥，故口乾。火熱煽之，故發聲喘急。其竅在鼻。



蟲食肺故山根崩折劇則鼻柱爛落金敗不能生水腎氣必虛故目暗乾枯皮急珊而吐痰氣泛漫於脾中故唇厚而翻熱氣聚於會厭故失音聲也如金器碎則無音律骨屬金故髓枯而骨死病入肺經皮枯不仁三年之後難治

中於足少陰面耳齩晦腰脊痛引小腹隱隱不利久則生蟲蝕腎則耳鳴啾啾沿睛生瘡或癢或痛若割切不知痛者肉死矣

腎水泛上故變色或灰或黑耳乃腎之竅水枯精

乏故耳熱生瘡。腰脊引痛者。虛極也。津液既絕。爲病瘦麻。不知痛癢。腎邪最速。一年卽成大患矣。中於足陽明。額多汗。膈塞不通。飡寒則嘔。暗久乃生蟲蝕胃。散蠹週身。則皮癢浮游。若欬歔矇昧。食減倦憊者。氣死矣。

胃絡循於目之上下。故額多汗。脾胃氣弱。五穀不消。膈臆填滿。上逆嘔吐。氣血不通。皮膚自癢。神魂離散。臆滿則欬歔不爽。陽氣既敗。疲倦惡食也。經云。腸胃爲市。無不包藏。熱積於中。必泛形於外。胃

腑受毒勢由蟲瘡膚體脹腫虛浮二十年不治癩風之害根於六淫中於六部發爲六邪部各六種症名三十有六。

六淫卽風寒暑濕燥火乃天地六欲不正之氣也六部卽心肝脾肺腎胃也六邪卽痛癢麻爛脹憊之六病也胃居脾之下爲受盛之司藏納五味故多受毒與五臟同風癩異名六部每各六種故有六六三十六件由八八有六十四卦也。

天時毒氣臟腑混淆互傷舛症變症彌常然肺病則

痛胃病則癢。腎病則麻。心病則爛。肝病則攣。脾病則  
腫。

金之氣燥，故作痛。土之氣濕，遇陽乘之，則爲沙塵，  
故癢。遇陰乘之，爲泥痰，則軟。水之氣寒，陽蕩之，則  
麻。陰凝之，則木，皆不知痛癢也。君相二火，能敗諸  
物，故潰爛。風木之性，動搖牽引，縮伸爲攣。其五臟  
六腑，榮衛肺絡，充貫人身，聯絡相繼。淫邪中人，則  
周身沿蠱，豈有止於一臟，而別經不傷之理。其先  
中之經絡與後中者，在輕重之間耳。但一臟受病，

則餘臟難免其傷且如麻木腎疾也殊不知麻乃風氣乘之木乃濕兼寒也外雖不知痛癢而骨肉間反知痛癢者乃腎病重而肺病輕也麻而軟痿無力者脾腎相樂也麻而足長短手攣者水不滋木肝受病也麻而潰爛者水火不相濟上犯於心也又痛乃肺病如痛久而癱者母不能顧子脾氣害也痛而麻木者母弱難扶其子腎氣虧而受毒也痛而覺癢搔之則痛極難忍者胃氣虛而毒氣入深也痛而潰爛者肺不能生水以制火而金火

相刑也。餘可以此例推。

感於不測。貯於無稽。曰癩。曰風。異種類聚。

心主血、肝藏之、毒傷血分、則心肝發病、肺主氣、凡風癘皆因氣悶而生、腎藏精、色慾房勞爲害脾胃、通連而藏穀氣、其醉飽五味之傷在此、故風之爲病、惟在心肝脾肺腎胃之六經受邪、其餘六經不能容受、不被所傷、無所干犯、故風癘不由此而起、手少陰三焦乃無形之腑、厥陰包絡乃附系之經、陽明大腸、太陽小腸爲出入之門戶、足太陽膀胱

僻居下元、少陽胆乃清淨幽間之司、邪毒之氣皆不傷犯而藏蓄、况肺之竅在鼻、氣從而入、脾之竅唇、味從而入、病始之由、多是氣味之感、故先見於皮毛之間、病源曰、六部各有風病六種、共三十六種、皆由六欲七情、寒濕風熱邪毒之氣、傳疰膚體、周流百節、絲絡交錯、凡中傷者、非在一經、非發一症、故治法方藥、浩汗彌常、取効者、惟靈寶大藥、各平分家產方、最爲王道、治三十六種風、皆有全功、其次止東華玉髓水、製黃香丸、又名黃龍丸、小還

丹等數方而已，亦能治諸風，其餘一方止治一症，若以他治如水澆石，罕有取效者。而大風之外，又有癩瘡十四種，後世因其病勢顏色之多端，而巧立名色以惑人。上古止言風癩，並無奇異繁名，凡言臟腑如此，特論其先感之由耳。若病一發，譬諸風水隨處充滿，流蕩百骸，各經傳遍，無不至焉。

三十六瘋六經分屬

其大麻蛇皮脫跟魚鱗邪魅血風發於心經

大麻風



夫大麻風者。乃諸風之長。初起時發於身。手按皮膚如隔一紙。洒淅不仁。或遇陰雨。或至夜間。則肌膚肉之內。如漉漉然。或痛或癢。漸至皮肉堅頑。剌切不知。身體虛腫。此症最易穿爛。手足拘攣。臭惡費弛。由於縱意忘爲。不避風寒暑濕。六慾七情。使榮氣虛。衛氣實。邪入於肌肉。氣血滯而不通也。此症以大麻湯并奪命丹。神仙換骨丹。珠雲散。奪命還真丹等藥治之。又云大風者。初則體氣動。熱氣從胃中上下。無處不痛。四肢重。喜臥。善噦噫酸。體面浮腫。往來不時。久而

腦轉肉裂。目系痛惡。聞人聲危矣。

### 蛇皮風

此症起於手臂股腿之間。皮膚迸裂。形如蛇腹之紋。隔寸<sup>音督</sup>竅斷。流出血水。或痛或癢。漫延遍身。此症最速。勢迅而凶。若不卽治。禁戒十難救一。皆由性悍逞勇。暴妄太甚。觸冒風濕。蓄之不散。致犯心火。焰焚肺竅。遍敗五臟。耗蕩元氣。用火龍散奇效良丹等方治之。兼以大補之劑。大料上緊服之。如妄行點刺薰蒸。卽死無逃矣。

脫跟風

此症初起脚後跟并兩踝下發水泡。或<sup>音</sup>皸裂迸開。或生小瘡。或痛或癢。或生腫。久而穿爛。延至足底。俗曰草鞋風。遂至延於足趾頭上下及趾了內生瘡。痛癢淫爛者。俗曰魚腮風。卽一類也。與漏蹄風不同。此由酒色太過。不避寒濕。敗傷氣血。或辛苦之人。寒濕凝滯。釀成熟邪。以致心火泛流。肝腎風邪。毒在臟腑。用苦參丸。大消風散。火龍散等藥。禁戒酒色。大補氣血。免成漏蹄之害。

魚鱗風

此症初起於遍身。乾白浮癢麻木。漸生小瘡。變成梅花大片。如刀刮魚肚之皮。或如蛇背之紋。癢而搔之則痛。或出黃滋水。冷熱皆怕。或如榆樹蛻皮。大小不一。俗又稱爲榆皮風。久則延爛成瘡。渾身腥潰。膿血粘穢。皆由耗散氣血。元陽虛敗。寒濕風邪漫流肢體。又遇暴勇忿怒。房勞五味。乘其侮而深入臟腑。最能害人。宜以大消風散一粒金丹。火龍散等藥治之。此乃心經毒疰胃腑之害也。

邪魅風

此症初時偶爾好悲如醉。狂言驚怖。向壁悲啼。錯詞  
 歌笑。或不言語。夢寐喜麗。或與鬼交。乍寒乍熱。心腹  
 滿悶。氣短不食。古云氣疰。又名狂風。走入神廟。妄言  
 謔語。叫號嘻笑。體滿失色。久而癱瘓。身痛危頓。此由  
 風水陰陽所損。偶為鬼魅妖邪。驚恐觸心。或憂思妄  
 想。以致邪迷心竅。損敗心液耳。速用搜風順氣丸。踈  
 風散氣。鎮心補血。安養元神。兼以內助扶救。氣血可愈。

血風

此症初起於皮肉之間。如血灌周身。充滿肌膚。如被杖之狀。或生血皰浮腫。或朝夕來去。陽氣乘之。則早盛暮平。陰氣乘之。則晚凶早滅。或衄血吐血咯血。或喜臥噦噫<sup>音噫</sup>。或齒縫中時流血。面腫目疼。腦裂。或生紅片如錢麻痛。或腫處穿卽流血不止。或大便出血。血虧則手足攣蹙。血乏則形變神焦。漸死。乃心毒流於肝經。火炎血泛。邪熱太甚。風濕外馳。由於乘風行濕。醉飽房勞。好勇鬪狠。入水迎風。或忿怒飲酒。或忍飢竭力。以致邪毒攻擊。疲困倦軟。宜以補舊湯鉛

角月二集 卷一  
二四  
承膏一八濟陽丹等件。散邪降火。清氣養榮之餌。救之免死。

其鷺掌鼓槌血痺。齧齧痛風。顛風發於肝經。

### 鷺掌風

此症先於手心并指了間。生紫白癬。麻癢頑厚。抓之有白皮鱗屑。搔後又痛又癢。湯沃則爽。每於湯中爬破成瘡。或紅白垂癩。其形儼如鷺鴨脚皮。故以名之。或生於足面及穿鞋處。混如鞋面而生。俗云鞋帶瘡。又名鞋套風。其實卽此風也。久則穿潰穢爛。膿臭延。

及遍身。敗惡彌甚。乃因勞心焦思。飢飽肆慾。汗露縱  
力。風濕傷血。或暴怒冷食。火邪入肝。心肺戕害。日漸  
虛損。發於肝家。故先起四肢四末。次傷及根本也。不  
可輕視。最耗真元。以大消風散。二八濟陽丹。小棗丹。  
用心調治。另有一種指甲浮薄。隱隱如見血痕。不痛  
而作拘急不爽。名曰鷲爪風。久則爛去爪甲。指頭能  
落。大害難救。每日清晨未梳洗。取自己眼脂塗之。久  
則自愈。名曰還神丹。內治以清陽散。氣耳血之藥。久  
服可愈。除此再無他法。



鼓槌風

此症初起於肘膝間痠痛。怕見寒濕風冷。行步艱難。俗醫皆認爲寒濕脚氣。久則肢脛屈弱。骨節大痛。腿肉漸去。漸小。膝踝脹大。趾指痠麻。痛爛墮落。或皮肉紫黑。形如鼓槌。故有此名。由感冒雨露。勞倦臥濕。恣食生冷。喪敗氣血。風濕無制。邪傷衛肝。血無拘流。注脾腎液。竭精枯。致使筋骨不榮也。以神仙換骨丹。獨聖丹。棗靈丹等藥治之。另有一種怪症。四肢節骸知脫。止有筋皮相連。不能舉動。此名筋癱風。風病之

內或多襍之。以黃蘆酒浸一宿。焙燥研末。名獨勝散。每服三錢。酒送下。久服自愈。

### 血痺風

此症初起時常疲倦。汗出。臥寐不時搖動。形體如被風吹。搖奕倦怠。或時攻擊而痛。久漸發出紫塊腫脹。痛極則癢。癢軟而麻。癢極則痛。或時穿爛。臭惡跛攣。敗形。日夜叫號。乃由體虛而風邪深入陰分。氣血爲風邪所擊。肌膚弛緩。皮腠疎開。風邪暴侵。肝家受病。至心氣燭鬱。脾濕并症。故生毒蟲。蠱蝕肌肉也。以補

舊湯鉛汞膏二八濟陽丹等劑治之庶免變傳無治。

### 磁饒風

此症初起於眉稜骨上。或起面頰間。發生痞癰穿爛。爲瘡開大如錢。或遍身先發小瘡。遂變爲爛。其症但有膿水流出。變成乾堆粘汚結穢積厚甚腥。汗流涎粘着之處。卽爛爲瘡。從首至足。身癩眼珊鼻折唇翻。又名眉風。由貪酒好色。不避風濕。肝血凝結。心火泛蒸。陽氣墮敗也。急以補舊湯苦參丸大消風散等藥服之外。用淋洗擦藥。大補氣血爲主。

# 痛風

此症初起於身肌骨節間。游奕抽掣疼痛。晝夜無所  
休息。手足不能屈伸。坐臥不能轉側。或筋緩無力。或  
伏牀癱瘓。陽氣虛則夜靜晝極。陰氣弱則日輕夜重。  
病久則衣被不能着體。濕氣盛則湯沃少爽。但浴一  
次則病增一分。風氣勝則火熾而暑緩。離火更凶。病  
久則加浮腫。或噦嘔不食。或瘡爛不能收斂。乃由房  
勞太過。憂思妄想。六欲七情。日損氣血。風濕邪毒。傷  
憊肝液。邪傳脾胃。榮衛枯涸。以致精髓敗絕。或鬱蓄

私忿不得發泄。激蕩氣血而成。或勇怒饑飽傷感。疾風迅雨逆寒。充漫四肢經絡。謂之行痺也。其痛轉展不定。又名旋風。治以大定風丸。如意通聖散。陽起聖靈丹。神釀丸等藥服之。則可。

### 癩風

此症爲狂病也。狂妄不情。筋攣作振。肢體牽掣。號叫不已。或屋簷駭走。或歌舞哭笑。毛痺色敗。皮肉腫脹。寒熱交作。或噦嘔咳吐。氣疰云。顛風一發。跳入神廟。妄言神鬼。披髮狂走。打破器物。百日之後。變吐作蟲。

手足痿癆。屈曲痛麻。變症百出。經云。凡人身之氣血。爲正爲內。天時之風寒爲邪。爲外。若居處失宜。飲食不節。使臟腑內損。氣血內虛。風邪則外傷之矣。肝藏血。主魂。悲哀慟忡。則傷魂。驚恐忿怒。積鬱恨毒。氣血敗亡矣。以奪命還真丹。四魔丹等藥。主治。再以養神。攝血爲要。

其半肢軟癱。紫雲刺風。癢風。發於脾經。

### 半肢風

此症上下癢疼。或左或右。注於身之半邊。如癩如痛。

如麻如木如困如痴倦怠廢弛。或虛腫。或作攣拳。或  
骨髓抽掣。或遍身游奕。或振抖若驚。或痿敗若癱。在  
左則死血凝滯。在右則痰涎淤臏。或曰偏枯。或曰痿  
痺。久則眼痞唇歪。背僂肢軟。叫號而死。乃寒濕淫於  
骨節。風邪尅敗脾土。肺腎無根。賊邪自勝也。以救苦  
回生丹。二八濟陽丹。兼以大補元陽。養血調氣。扶本  
則愈。

### 軟癱風

此症初如痛風之狀。或作寒熱。或麻痺不仁。精神疲

若少懈怠。則大病成矣。不治宜以一粒金丹小棗丹等方擇治。

### 癢風

此症渾身淫癢。蟬蟬不息。猶如腐木。細蟲行於肌膚。皮肉跳動。搔之不止。湯沃不息。久則氣血衰敗。津液耗竭。癢入骨髓。搔破成瘡。彌爛方止。又曰姪風。曰蟬子風。內有細蟲。着人甚癢。不見其形。由不擇居處。不節飲食。濕熱自熾。風邪併壘。脾胃虧乏。化生九蟲。鑽嚙喉肺。肝火傷脾胃。以大消風散六神輔聖丸二八濟



陽丹防風通聖散。選治另有一種。遍身皮裏渾渾如波浪聲。癢不可忍。搔之卽血出不止。乃風氣復遇火熱而奔走膚腠。名曰氣奔。用人參苦杖青鹽細辛各一兩。水二碗煎數沸。飲之。連進愈止。又有血不榮於腠裏。以致體虛作癢。火熯湯沃。少息復作。丹溪以凌霄花末一錢。水萍末七分。四物湯加黃芩煎湯調服。其白癩意刺註同載虵厯節壁泥瘳風啞風發於肺經。

### 白癩風

此症初無痛處。但皮膚麻木。生灰白斑點。久如塗堊。

頭憊又變亮赤色。卽曰紫癥。患之不治。亦有終身無  
害。惟形狀怪異者。又多。有損敗氣血。遍身皆然。神瘁  
精疲。減食。增寒。壯熱。怫鬱。困怠。而死者。由淫毒傷肺。  
金氣泛於外。以尅肝血。毛髮枯萎也。以棗靈丹玉樞  
丹選治。又有夏日身生紫白斑點。汗出則癢。秋涼少  
息。年復增之。亦曰紫癥。名汗斑也。因酗酒房勞。感受  
風濕。邪熱搏於皮膚。血氣不和而發。又名厯瘍。又名  
汗黯。皆一類也。以雄雞內腎調射香浴。出敷之。用新  
青布衫緊着。睡一夜。大汗出。明早熱湯沃之。其斑俱

能。在。湯。內。不。發。矣。

### 裁。耗。風

此。症。偶。然。把。搔。謾。觸。皮。膚。卒。然。極。痛。難。忍。正。如。夏。間。裁。耗。蟲。螫。人。之。狀。久。則。轉。側。動。搖。之。間。皆。痛。走。注。游。奕。如。斜。刀。割。刺。肌。肉。叫。號。不。止。若。及。遍。身。無。可。救。矣。由。乘。汗。入。水。踏。冰。履。霜。不。懼。寒。濕。以。致。心。火。泛。焚。肺。經。毒。注。脾。絡。以。致。毫。毛。不。舒。榮。氣。掣。縮。毛。尾。拳。曲。倒。插。肌。肉。以。太。消。風。散。棗。靈。丹。等。方。治。之。風。疰。云。人。死。三。年。之。外。人。魂。化。作。飛。塵。着。人。成。病。皮。肉。掣。振。游。奕。

不定髮落頸項痛骨立鳴解目疼鼻痠齒蝕頑痺如  
蟻螫也。

### 慙節風

此症於腰膝腿肘肩膊之間麻冷痠漸漸覺走疰抽  
掣疼痛肢節腫大變癢舉足不能甚者手指足趾節  
節痠痛俗名鬼箭風。禱祀求神養成大病皆由妄性  
肆慾保養失節感冒所致。六淫蕩敗血枯氣衰之故。  
肺注骨肝注筋。肺肝受傷血氣不運亦曰白虎風。發  
於肘膝臂脾之間人喚爲鶴膝風。惟在節骸間病

也。又曰纏枝風。其在肢節間病也。古人稱爲著痺。宜以定風散。駐車丸。救苦回生丹。選治之。

### 壁泥風

此症身生灰白色片。如陳壁土狀。呆燥無光。無所痛癢。人不驚心。殊不知肉死不榮矣。乃素性矯暴。或鬱忿勤勞。不惜保養。妄冒六淫。寒濕風毒。濫傷諸臟。虛火競起。剋伐肺金。泛形於外。以致皮毛枯槁。形容憔悴。血液不通。手足軟痿也。若遍身皆然。卽死。此爲風症之惡候。故凡風之白色者。皆不易治。以補舊湯奇。

効丹等方治之

疹風

意

此症初生癩癧形如麻豆疥癬之狀。或痛或癢。乃暴  
勇之時。或微醉之際。乘風露臥。或浴後肌膚疎暢。卽  
被風邪所犯。復有邪毒不正之氣。并寒濕相乘。注於  
肌中。則邪熱之氣結於腠裏。逢陰雨卽凶。晴煖少緩。  
屢瘥屢發。久則連片穿爛。使肺毒併心。戕賊氣血。以  
大清風散。小棗丹。玉樞丹等方治之。又有一種面上  
風癬。初起痞癭。似疥非疥。似癬非癬。多感於春夏之

時或癢或痛。或作寒熱。漸成細瘡。黃膿腥穢。滋水滴流。粘處卽變成瘡。延蔓條息。名曰吹花瘡。又曰吹花癬。婦女多生之。此乃肺受火炎。蘊積風熱毒穢之氣。陽邪上昇。故發於面部。如在眉額間起者。凶。但飄逸俏俐愛潔者。偏生之。或暴妄偏執驕傲者。或陰毒固感者。或醉臥乘風。禦濕者。或恣食糕菓油膩炙燻者。皆患之。倘又使湯火賊風冲激。則勢愈盛。若不速治。被風火濕邪襲之。變爲癩風。延入髮內。則不能治矣。急以清心順氣。散肺火。祛風解熱。而正淫邪。久久方

可除根。否則雖愈必發。

### 啞風

此症音啞無聲。肺氣者音聲。五臟清明之氣皆貫於  
竅而爲五音。若溫融和潤則陽氣調勻。其聲通暢。若  
風濕陰邪搏於陽分。凝滯津液。使氣道不調。清聲閉  
塞。會厭是音聲之門戶。懸壅爲發音聲之關節。若風  
邪觸於關戶。囊鑰閉塞。激動痰火。輕則聲嘶而喉破。  
重則語啞而失音。五火皆動。肺金傷敗。以救苦回生。  
丹奪命還真丹兼以涼血生津降火祛邪養氣和肺。



之藥服之則可。

其冷風漏蹄蝦蟆核桃風水風發於腎經。

熱風

### 冷麻風

此症初時麻木。久漸堅頑。剗切不知。或冷痛。或節骱  
痠痛。怕見霜露。不能入水。汗液不出。或遇秋冬愈覺  
抽掣不能動履。血閉不流。則生水皰。穿爛成瘡。手足  
軟曲。肌膚弛緩。筋骨懈惰。由酒色過度。腎水枯竭。或  
勞怒之時。不避寒濕。風邪中深。內氣不固。毒從外寇。  
病極則癱瘓痿敗。惟悴而死。以奇効丹二八濟陽丹。

六神輔聖丹真方奪命丹等方選治再以收濕補血之劑佐之。

### 漏蹄風

此症於當脚底中央踏不着實處。乃是湧泉穴內生小水窠。淫癢搔破則流黃水。疑是水窠疥瘡。視爲微疾。久漸成瘡。內生蟲蝕。爛穢不斂。漸至對脚背上穿爛流膿。一身之毒直注下流。無所關阻。津液氣血下敗不收。俗名穿心脚底風。死者多而活者少。因初不速治之咎也。由勞役太過。風濕乘襲。色慾太盛。腎水

耗竭。憊傷心。主妄想。縱肆貪淫。無厭憂思。克念氣血。難聚之故。以苦參丸。奇効丹。火龍散等方。選治之。

### 蝦蟆風

此症。身生瘰癧。大者如拳栗。小者如彈丸。凸起高低。麻冷疼痛。肘後痠勁。或癰癩小瘡。紫黑腫脹。形似蝦蟆之狀。俗名癩麻風。穿卽成瘡。流膿臭穢。由酒色荒淫。無度傷敗腎水。又遇水濕寒邪。聚損脾絡。周身敗壞。以班龍八卽丹。奪命還真丹。二八濟陽丹。神効追風丸。擇而治之。生疰云。名曰糾風。使心脇轉痛。體疼。

移易牽掣冲絞心脇目赤吐逆眉髮毳脫身生毒瘡。皮黑瘡瘰形如癩蛤蛇之狀。南方呼爲癩廝慕也。另有一種頭面遍身肉內發起腫塊如蛇盤之狀。名曰蛇核。用兩濕磚上青苔爲細末。水調塗之。

### 核桃風

此症初生疙瘡。高低塊瘰紅紫纍纍。大者如栗。三五連串。小者如槐實。色如葡萄之狀。粿粒皮間。乃憂思過度。房勞太甚。邪傷腎水。神無資助。風濕妄肆於膚絡之表。急用火龍散。棗靈丹。升天腦射散救治。若仍

不禁戒色。慾則腰背屈曲。手足痿頓。指膝攣毀。口面腐敗。鼻崩眼塌。骨蒸髮禿。而多汗。體常牽掣。而強直。皮肉隱痛。喉如吞物者。害則甚矣。又名汗風。亦名葡萄風。又有一種。或於手掌指膊。或足腕股腹肋脇之間。或頸胛頭面之上。生細黑塊。燎若天明氣朗。則隱而不見。遇陰雨濕蒸。則發之。或上半日不見。一交酉戌之時。則發淫癢。抓搔則痛。或天氣晴明。其色鮮紅。或浮白作癢。陰雨則晦黑紫痛者。名曰妬痴瘡。醫火風邪。蕩注臟腑也。速以祛風養血調氣清陽之劑治。

之不爾。則成大風矣。

### 水風

此症初起如水腫。四肢浮腫。飽悶疲憊。後漸周身發。皰灌水。穿則爲瘡。膿滋腥汚。霎時潰爛。若於肢節間。發則軟癱不能行動。鬚眉能落。手足攣折。鼻崩唇翻。趾掌毀墮。又曰爛風。若臍中時常絞痛。飲食坐臥汗出。漸漸羸瘦。若腫從脚起者。害甚急矣。由酒色暴勇。性狠偏狂。怒忿氣鬱。榮衛敗壞。精液枯涸。又被濕毒。寒邪傷損五臟。虧耗脾腎。或怒入水。濕滯凝留之故。

此種多是風水陰陽所損。年命神煞爲禍。以搜風順氣丸。苦參丸。升天腦射散。兼以祛邪調氣養正扶神之劑。方愈。

### 熱風

此症初起目脫。惡風寒戰。鼻中常流黃濁涕。或咳吐膿血。或鼻崩眼塌。耳塞而氣閉不通。救遲則死。又水疰云。熱風卽濕風。體黃髮落。兩目失明。三年身大水。盛。生蟲內蝕五臟津液。由勞役太過。腎水枯竭。肌膚不固。暑濕風熱暴火之氣。先從毛皮而入。後傷氣道。





濕乘之則發矣。若雁去時不愈，四季皆然，則成大風矣。以奇效丹六神輔聖丹升天腦射散治之。南人呼此曰社風瘡。蓋雁乃春社去而秋社來也。又有一種濕癬，名歷瘍瘡，亦於春二月秋八月雁去來時發於四肢裏肉，漸大熱痛，亦名雁瘡。荆漢人多患之。與雁風同治。另有一種，每至秋冬則手指或遍身發紅點作癢，乃寒氣攻於腠裏，陽氣閉絕不能發越，拂鬱而作，亦名雁風。治以人參敗毒散解其表，補中益氣湯實其裡，則愈。又有一種，每於二三月乃手足生疥癬。

之類。名痺瘡。形如雁風。交秋風高則愈。名曰燕瘡。或發於頸項之上。與雁風同治。

### 疙癢風

此症初發。瘡癩五色。癢癢。遇熱則癢。逢寒則痛。搔之成瘡。久則寒熱交作。蟲嚙肌體。形如蚤蟲。癢痕隱隱在內。復感寒濕。則斑爛癰癢。難治。若發於脚背并趾頭後跟。連片紫白。其脚面大肝骨俱無。名曰鞋帶瘡。黃行又曰草鞋風。由寒濕風邪客於皮膚。漸入榮衛。肺金受制。脾胃空虛。土衰水賊。又遭霜露觸之。卽發。巢元

方云初生斑癩隱隱如癬或紅或紫或黑或白漸大  
變形或腫或癰或癢或痛久則成瘡筋骨痠疼冷熱  
抽掣膿涎臭穢肢體敗爛而死乃酒色太濫荒淫無  
度或陰毒傲慢含蓄鬱氣傷肝乏力勞神復敗腎水  
又遇風濕注損胃絡遍延臟腑致成大病以六神輔  
聖丹苦參丸神效追風丸治之如發白燥癬瘡從手  
足起者名曰四末風最難治

### 雞爪風

此症手足自搖振抖無力不能持物舉動艱難牽引

攣縮。霎時殭直。或節骭麻木。大痛。腿肘轉筋。乃穢毒  
過傷也。肝胃太薄。濕熱已極。血涸骨枯。肺肝損壞。亦  
有地理陰陽所損成患。以大麻湯。眞弓奪命丹。大消  
風散等方治之。兼補氣血。清陽養元爲上。

### 蝮蝮風

此症漸生塊瘰。三五連串。大小相貫。肘膝先見者輕。  
頸項脇肋。先見者重。漸大成串。延長如土狗蟲鑽入  
地穴。身之病形。或作寒熱。或痛或癢。俗醫認爲粟子  
治之。反速其禍。久則周身穿爛而死。乃犯惡毒臭穢

不正之氣暴觸胃腑。大毒伐脾。五內皆云。泛走膚絡。氣血虧弱。惡邪外鼓。九疰之蟲。毒蠹於肌表。須班龍八帥丹。苦參丸。眞方奪命丹。玉樞丹等方治之。再加薰洗方愈。又有一種渾身生泡。如甘棠梨樣。破則出水。內有石一片。如指甲大。穿則石出方愈。其泡復生不已。抽盡肌肉則死。以蓬朮三稜各五兩爲末。作三服。溫酒送下。則愈。

彈曳風

此症或時不覺。強勁暈倒。手足無拘。或舞蹈牽掣。或

攣拳伸縮肢冷臥地俗名打鴛風卽此也寒症云卽  
名絕風心腹滿悶懊痛嘔沫久則大便出血吐涎青  
白色腰脊強時不覺絕倒在地與癩症相似蓋人以  
胃氣養肉貫漑經絡肌膚若肆慾醉飽房勞憂怒使  
胃氣衰竭以致經脈虛耗則筋肉懈惰肢體弛縱不  
能收揖風邪漸搏氣血渙散困乏痿頓以一粒金丹  
奪命還真丹眞方奪命丹四魔丹兼以祛風降火消  
痰調氣之劑治之免成大風穿爛癰疽難治

### 蠱風

此症初起腹大肢瘦形如蟲毒眼赤唇翻久則渾身  
脹腫皮肉紫黑浮大虛腫毛髮先落形貌醜陋後則  
腐爛危困或身戰動口眼歪斜攣屈又稱爲畢風勢  
惡危速而易於傳染害人乃氣血虛損以致九疰毒  
蟲入於胃腑流毒五臟也或因寒濕太重血滯脈絡  
虛火擊搏而成以救苦回生丹搜風順氣丸四魔丹  
選治此種亦有邪祟不正陰陽所損之故又有一種  
面上生瘡如貓兒眼睛石放光彩並無膿血冬天  
自退頸背皆然名曰寒瘡亦怪症也由多食雞魚蒜

非之故用溫補之劑自愈。

夫歷節。載。虺。疔。瘡。雞。爪。刺。風。皆。痛。風。之。類。也。魚。鱗。鱗。掌。雁。來。癩。風。乾。風。皆。癢。風。之。類。也。

痛症之類最多。如走疰而痛者。風與邪氣流行也。痛在一處定而不動者。死血聚也。抽掣游奕。霎然如刀錐刺。尋之不知其所者。乃濕流關節也。夜劇晝靜者。陰邪侮陽也。暮甦旦甚者。陽邪侮陰也。如遇陰雨。或至隆冬。嚴風則發者。寒濕搏凝也。似痛非痛。洒淅不知其處者。勞傷氣血。濕痰散走也。皆



邪氣傷於內與臟腑傳應而作也。若癢則不然。皮膚之上浮游淫癢者。血虛火氣乘之也。外雖癢而內覺痛者。邪在表而毒注內也。烙之以火沃之以湯則爽者。勞傷瘀血凝滯而不散也。癢而搔之又痛者。血虛熱氣聚也。癢處見湯則腫者。元氣虛敗。諸火布於腠裏也。古云痛無補法。又云癢麻虛宜補。疼痛實宜瀉。又云諸痛無補。諸癢無瀉。實乃邪氣充灌經絡。補則助邪爲害矣。虛乃正氣虧乏。瀉則引邪深入而無救矣。

紫雲白癩大麻核桃啞風皆冷麻之類也。脫跟齧齧蛇皮漏蹄血痺熱風皆爛穢之類也。

凡似痛非痛似癢非癢或抓刺剗切不知或按於肌膚如隔一紙之狀或癢疥頑癩之類皆曰木駕而麻也。凡瘡瘍穿潰膿血淋漓濁水滋粘迸裂皸破皮肉腐惡皆爛壞之屬也。

蝦蟆蝮蝮血風水風蠱風顛風皆腫脹之類也。邪魅鼓槌軟癱壁泥半肢躄曳皆痿憊之類也。

凡身體虛浮腹大如鼓手足頭面腫大皮肉如癰

而不穿凹凸不定或胸臆悶塞脇肋脹憤氣不升  
降神不舒爽皆腫脹之類也凡手指攣痲腿趾跛  
攣腰背偃僂口眼歪斜身體痿軟疲困左癱右瘓  
乾癟羸直廢弛行步艱難皆憊壞之類也

解圍元藪卷之一終